

Въ има ѿца и сна и стго дха. Се азъ рабъ  
 бжии · клима<sup>н</sup>тъ (даю) роукописаные стмоу · гергью ·  
 и игоуменуу · варламоу · и всеи братьѣ ·  
 что взалъ есмь · к · грвнъ серебра на  
 5 свои роуки · стго гергья · было же бы ми ·  
 чимъ · заплатит(и) даю за все за то · два  
 села · съ ѿбильемь · и съ лошадьми · и съ  
 борътью · и съ малыми селищи · и пнь ·  
 и колода · ѿдернь · стмоу гергью · а заводни  
 10 къ · сусѣдъ мои · ѿпаль · а калистоу есмь ·  
 даль · микшиньское · село · съ ѿгородомъ ·  
 и съ борътью · а воиновою · снви · анъдрѣю ·  
 даю · самуиловьское село · и пнь и (·)доу  
 и съ борътью · то же есмь · не даромъ даль ·  
 15 платилъ · за мен(·) данило · и воинъ · искоу  
 пъ · литовьскыи · (·) лодиславоу · данилови  
 чю · даю · сивыи же(·)бець · а василю братоу ·  
 даю · щить · вѣиновьскыи · ѿже вельями  
 новьскыи жеребечь · (·) свою женоу прика  
 20 зываю · игоуменуу · варламоу · и в<sup>с</sup>еи братьи.  
 а и свинеи · из моихъ · самоуилѣ · дайте · боровъ.  
 лоутьшии · а въ скотѣ · въ ѿвцахъ · и въ свинь  
 нахъ · розделить · съ женою · моею · на полъ · а же  
 на моя · пострижетъ са въ чернице · есть иеи  
 25 чимъ са пострици · и дворъ · городьскыи · иеи ж(е)  
 даю · а про се · кланю са · игоуменуу и всеи ·  
 братье · а жена моя пострижетъ са · въ черни  
 це. то выдаите иеи · четверть · ѿтъ · не боудеть  
 голодна · или того · не въслоушаеть · а нѣчто ·  
 30 мѣншею · дадите иеи · хотя · подо мною (·) то ѿ  
 станѣтъ са · или лошакъ · или ѿроужье · то

все даю · сто́моу гергю · а про коуны · чимъ то  
 ми сѧ было вамъ платити · въ коупѣцъско  
 мь сѣтъ · оу фомы · и · грѣнъ · възмите · а оу  
 35 борькы · д · грѣне · оу фомы · оу моръшна ѿсобъ  
 неи · в · грѣне · безъ · в · ю ногатоу · а на поральско  
 те серебро · ни клада възати · климате · на борь  
 ке · г · ногате · и грѣна · а оу савиница · сѣима  
 ти · климате · съ борь(·)ю · пѣтъ грѣнъ · а въ томъ  
 40 борьке · трети́на · а оу козѣ вътъши · в · грі  
 вне · климате възати · а оу микиф(·)рца · м ·  
 резанъ · а жихне веда .....  
 оу хотѣвита · взати · климате · грѣна  
 солонихъ коун(ъ) · оу(·)ъчьна полъ гри  
 45 вны · оу.....полъ гривны · оу ко  
 зельца.....полъ грѣны · на ду  
 ранъ · з · грѣнъ · оу михальца · полъ грѣне  
 оу еремена безъ · г · резанъ · в · грѣне · оу  
 гюрьга · г · ногате · оу климате · грѣна  
 50 оу (·)тъше · грѣна · или кто почнетъ сѧ  
 запирати того · тѣ станеть · со мною ·  
 передъ бѣмъ · а ты варламе исправи ·  
 того же дѣла написахъ · за нѣ да не бы  
 ло оу мене брата · ни сѣноу · аже кто въс...  
 55 пить · на сѣ грамо(·)оу · да не со мною · съ ѿ  
 днымъ · станеть прѣдъ бѣмъ · съ всимъ  
 моимъ · племенем(·) ~